



Ayat Suci Minggu ini

Yesaya 22: 19-23
Mazmur 137: 1-3, 6, 8
Roma 11: 33-36
Matius 16: 13-20



"Pemberian terbaik yang dapat kita berikan daripada diri kita sebagai hierarki, religius atau umat awam ialah pembentukan. Kita mahu pemimpin awam juga menjadi pembentuk."

Kardinal Soter Fernandez

EDARAN DALAMAN SAHAJA
BUL 34/2026

Pembentukan iman mesti membantu umat bertemu dengan Kristus melalui doa, Kitab Suci, sakramen, katekesis, dan kehidupan harian. Komuniti Gerejawi Asas (KGA) terus menjadi tempat penting untuk rasa kepunyaan, sokongan, evangelisasi, dan perkongsian iman.

Secara keseluruhannya, pandangan-pandangan ini menunjukkan satu arah pastoral bersama bagi Gereja di Malaysia. Lebih daripada mengukuhkan struktur atau program, para peserta menyeru kepada sebuah Gereja yang semakin bersifat misionari.

Dalam *Evangelii Gaudium*, Paus Fransiskus mengingatkan kita bahawa setiap orang Kristian dan setiap komuniti dipanggil untuk melangkaui zon selesa mereka dan menjangkau mereka yang berada di pinggir dengan terang Injil (EG 20). Beliau juga berbicara tentang "pilihan misionari" yang mengubah adat, struktur, jadual, bahasa, dan cara Gereja melakukan sesuatu supaya semuanya melayani evangelisasi dan bukannya pemeliharaan diri (EG 27).

Visi ini memberikan makna yang nyata kepada Gereja yang berbelas kasihan. Belas kasihan tidak terhad kepada menjaga mereka yang sudah hadir. Belas kasihan juga berarti menjangkau mereka yang tidak hadir, terluka, tidak didengar, atau sedang menunggu seseorang mengambil langkah pertama. Seperti yang ditulis oleh Paus Fransiskus, Gereja yang keluar ialah komuniti murid-murid misionari yang mengambil inisiatif, menemani orang lain, menghasilkan buah, dan bersukacita (EG 24).

Oleh itu, pembentukan mesti melangkaui bilik darjah dan pelayanan paroki. Ia harus membentuk murid-murid misionari yang memberi kesaksian tentang Kristus dalam keluarga, KED, tempat kerja, sekolah, kejrangan, dan masyarakat mereka. Pembentukan iman bermula dengan pertemuan dengan Kristus dan secara semula jadi membawa kita untuk melayani orang lain.

Paus Fransiskus juga mengingatkan kita bahawa paroki tetap relevan apabila ia dekat dengan kehidupan umatnya dan menjadi pusat jangkauan misionari yang berterusan (EG 28).

MPC 2026 mengundang Gereja di Malaysia untuk bertanya satu soalan asas: Adakah kita tersusun untuk sekadar mengekalkan keadaan sedia ada, atau adakah kita sedang menjadi sebuah Gereja yang dibentuk oleh misi? Kita dipanggil untuk menjadi Gereja yang menyambut, mendengar, membentuk murid-murid misionari, menjangkau dengan belas kasihan, dan menghayati belas kasihan Kristus di tengah-tengah masyarakat.✝

Diterbitkan oleh: Archdiocesan Pastoral Institute (API) | Emel: api@archkl.org

NEWBEC

NEW WAY OF BEING CHURCH | Hari Minggu Biasa Ke-21 | 23 Ogos 2026

BERJALAN BERSAMA KE ARAH SEBUAH GEREJA SINODAL DAN PROFETIK

Umat Untuk Pemuridan Misionari

FOKUS BULANAN: MASYARAKAT: Kesatuan Dalam Kepelbagaian

MPC 2026: Teras Pastoral Gereja

Satu keprihatinan jelas yang muncul daripada perhimpunan-perhimpunan terdahulu ialah keperluan untuk Gereja menjadi tempat kepunyaan yang tulen, ditandai dengan belas kasihan, keramahan, sikap mendengar, empati, dan keterangkuman. Hal ini amat penting bagi mereka yang berasa jauh, terlepas pandang, atau berada di pinggir kehidupan Gereja.

Satu lagi seruan yang konsisten ialah kerjasama yang lebih besar. Gereja tidak boleh bergantung semata-mata kepada imam. Para klerus, religius, umat awam, belia, keluarga, pelayanan, berkongsi tanggungjawab terhadap misi Gereja. Kehidupan Gereja dikuatkan apabila penyertaan berlaku secara aktif dan tanggungjawab dikongsi bersama.

